

【蛻變】徐佳好原作

記得俵仔讀小學個時節，放學轉到屋下興啲啲仔¹同偌分享，上自然課，先生紹介揚蝶仔，佢感覺著當生趣，問偌：「阿姆，做得畜虐毛蟲無？」偌淨聽過有人畜細魚仔、蠶仔²、雞油姑，哪有人畜虐毛蟲？

該時，偌在學校做志工，同圖書室個細阿姊仔打嘴鼓，佢講：「淨愛種一頭柚仔樹抑係柑仔樹，就會有揚蝶仔飛來生卵。你過準備一隻罐仔，裡肚放一支細樹極，恁樣就做得哩啲。」偌一聽著，心肚當疑狐：自家又無歌在莊下，種一頭柚仔樹就會錫揚蝶仔來，哪有可能？毋過，「狗呷烏蠅，賭造化」³罔試看啊。

講來奇怪咧！有一日，正經有一隻揚蝶仔，在偌兜種个柚仔樹脣飛來飛去，飛上飛下。心肝恹：佢在該做麼个呢？偌目金金仔緊看，佢緊撲翼，又對屎肫尾緊局出細細粒、黃臘臘个卵在葉仔頂。偌細心細意，摘下這皮葉仔帶轉屋下放⁴到罐仔裡背。

幾日過後，幼蟲對卵肚鑽出來，一出世，黏時食忒卵殼。虐

毛蟲當揀食，淨食合意个葉仔，像一個當肚飢个細孺仔，葉仔分佢食到淨淨淨，淨伸葉脈，俵仔都赴毋掣摘葉仔分佢食！佢兜緊食圓身緊大箍，該白烏色个衫褲忒狹，僅可脫下舊衫換青衫。

有時節，蠻皮个俵仔係「頭那插禾串」捺刁佢，佢會跣等臥起圓圓大大个頭那，還過伸出紅紅个角，放⁵出像榴槤恁樣臭胖仔个味緒，想愛嚇走欺負佢个人；毋過，若係正經堵著烏仔、油籬蜂，佢兜斯插都毋插。有一擺，偌識看著，自家畜个虐毛蟲毋知分對哪來个蜂仔食忒，衰過个虐毛蟲，瀉都毋掣！一無注意，嘎發生恁樣悲慘个情形，實在得人驚！

虐毛蟲每日都盡命拈緊食葉仔，食到圓身肥卒卒毋知飽。有一日暗晡，看佢辽辽腦轉⁴，葉仔毋食，淨在罐仔肚越來越去，毋知在該無間麼个。佢局了一堆青青个瀉粑，俵仔問：「佢係發病仔無？仰會局痢肚？」忽然間，佢越在該樹極頂，呢絲⁵同自家吊掛起來，摺自家跂等⁶，罔在蠶筴⁷肚，像睡忒哩！

過一禮拜零，蠶筴變色，像變奇術樣仔，虐毛蟲對蠶筴肚鑽出來哩⁸！毋過，溼溼、皺皺个翼還吉燥，佢定定仔、柔柔仔，當有耐心个等待，正經係老古人言講个：「甘蔗食了一目正一目」，毋好「打卵就愛見黃」。看著這靚膩膩个花仙子，親像係同偌兜講等人生當多道理啊。

⁴ 辽辽腦轉：音 din' din' no' zon'；繁忙、躁動不安。

⁵ 呢絲：lien' sii'，吐絲。

⁶ 跂等：音 giu' den'；蜷縮著。

⁷ 蠶筴：音 cam' giab'；蠶繭。

⁸ 哩啲：音 lio'；語氣詞「哩、啲」合音，表示變化已經實現。

¹ 興啲啲仔：音 him du du e'；興沖沖的。

² 蠶仔：音 cam' e'；蠶。

³ 狗呷烏蠅，賭造化：音 gieu' gab vu' in'，du' co fa；狗突然張口去咬飛過的蒼蠅，能否咬到就看運氣。

【大箍牯減肥記】曾菁怡原作

「哇！歸桌仔恁多好料仔！汽水、餅仔、披薩、雞卵糕、枝仔冰，還有佢盡好食个焗菜、雞腩¹。」佢看到無瞞目，口涎水強強會跌下來，該兜好好料仔像同佢搵手講：「遽遽來食，遽遽來食啲！」佢煞煞抓一支香噴噴仔个雞腩，該油亮亮个皮焙到喇喇，肉汁汀汀汀汀，實在還錫人哪！就在佢嘴擘到大大，準備咬啊下去該下，嘎聽著：「大箍牯，還毋疏床？讀書會赴毋掣哩！」全部个好料仔一下仔嘎毋見忒，原來，係發夢啊！有一息仔毋願，該雞腩無咬著，實在還打爽哦！

聽吾姆講，佢從細就異好嘴斗，生到肉卒卒仔，幼皮白肉，盡得人惜。公太就盡愛撚吾面頰卵，講佢像正打好个桑粑仔分人想愛咬一口。原本佢無感覺肥固固个身材有麼个毋好，但係該擺見笑个經驗分佢堅心愛減肥哩。

該日學校辦校慶活動，吾班級表演「三隻細豬仔」个話劇，佢係擔任豬大哥个角色。就在節目進行到豬大哥同豬二哥為著閃避大野狼，愛走去豬老弟个屋仔園該下，為著有緊張个氣氛，佢

盡命牯颯過去愛鑽入豬老弟个屋仔裡肚。麼人知，一下忒大力，豬老弟个屋仔嘎分佢撞橫下去，佢還仆在屋仔面頂，屎肫翹到半天高，經繃繃仔个褲弓到暴線縫……。該時，鬧熱煎煎个禮堂忽然間變到一片恬靜，佢還聽得著自家砰砰砰个心跳聲，額頭流下來个汗水每一滴佢就感覺得著……，實在還見笑哦！愛仰結煞正好？落尾，有聲音摻佢解圍哩，佢遽遽企起來行到舞臺替換褲；該聲音，毋係佢期待个拍手聲，係大家笑到歸身仔緊顫、目汁雙流个笑聲。

校慶結束該日，桌頂个乳茶、雞排全部分佢擲到垃圾桶，佢第一擺有恁強个決心，絕對愛減肥成功。佢去網路尋減肥个方法，大體係減量、減油、減糖，還愛配合適當个運動，故所該兜油漬漬仔²个焗菜、甜濟濟仔³个汽水、糖仔全部分佢拒絕，逐餐飯菜都食較清較齋兜仔，食到七分飽就好。佢還每日運動三十分鐘，行路、打球仔、跳索仔……，逐日做無共樣个變化。

一隻月過後，吾姆帶等佢去買新衫褲，每一領个尺寸都減兩號，阿姆講：「從今以後做毋得過喊你『大箍牯』咧。」「係啊！你愛喊佢『緣投哥』哩。」

大箍牯減肥，成功！

² 油漬漬仔：音 iu^ˇ ji ji e^ˋ；形容沾滿了油。

³ 甜濟濟仔：音 tiam^ˇ ji^ˇ ji^ˇ e^ˋ；形容味道甜膩。

¹ 雞腩：音 gie^ˊ bi^ˊ；雞腿。

編號 06 號

【好空】徐子涵原作

人講，笑頭笑面個人較有人緣；佢講，會講客个細人仔較得人惜。係兩種加起來，就會變出當多好空个事情出來哦！

社區肚个老老嫩嫩，佢比吾姆還較熟事；社區肚个事情，也比佢還較瞭解。成時掣兜仔菜、帶兜仔糖仔轉屋，騙阿姆講係佢買个，佢都會相信。因為連佢都想毋著，無緣無故有麼儕會分佢。無論係食个、著个、用个，抑係搞个，所有好空个，通棚都係佢好嘴碼膠禮貌換來个。

對門九十六歲个老婆太講，這下个細人仔，毋知係畏羞抑係揭屎，盡少像佢恁有笑容、恁會同人相借問个，故所特別惜佢，盡阿謔佢。佢輒輒會攞手喊佢過去，拿兜仔零嗒分佢食，佢講就係正有恁好空。同佢講話，全全愛用客話講，佢正聽得識，佢想怕係因為恁樣，正無細人仔愛同佢講話。三條巷仔个細人仔，就單淨佢一儕做得同佢謔哆半點鐘久，無講花蓼哦！

莫看佢年紀還細，係自行車落鏈¹、輪仔同球仔無風，佢自家就有辦法，毋使花錢去尋人搵手整、搵手嘮風。係愛打羽毛球，

也有大人同佢做伴搞，恁樣講，你就知吾个朋友有幾多、年齡層有幾闊哩！

細人仔自然就會搞共下，毋使加講，愛講个係，該兜鄰舍做麼个會恁惜佢呢？該係因為佢當笑面，會同人打嘴鼓，還會同人搵手。比將講搵手倒垃圾、拚資源回收个東西、講兜仔笑科分人笑、講兜仔令仔分佢兜搵、講兜仔生趣个事情分佢兜聽，就連老伯姆來賣菜，佢也會搵手喊：「買菜哦～！愛買菜無呢？」微微末末，講都講毋得煞，吾个大人朋友就係恁樣從細交陪來个，連吾姆都當欽服。

對巷仔口左幹上去个有錢人家同公園起到當闊，新聞報導過後，就當多遊客來遠奈，漸漸仔乜有人來擺攤仔做生理。佢輒輒會行兼去，人客來就搵手，無人客就打嘴鼓，毋多知仔又熟事哩！異多遊客聽著佢講客，會因為試著當親切，就買加兜仔，你講，有生趣無？

佢從來就無想著面帶笑容膠講客會有麼个好空，毋過確實帶分佢異多好空！總講，就係一種當港斗²个感覺。

¹ 落鏈：音 lau lien；鏈條脫落。

² 港斗：音 zam deu²；美好、很好。